

洪憲元年一月二十一日 星期五 第十六號

政事堂印鑄局發行

北京東長安牌樓王府井大街
電話東局二百零一號

政 二 報

新辦處

本報價目

- 一 本報按照購辦每日出報一號
 - 一 定購三月者收回大洋二元三毛
 - 一 定購半年者收回大洋八元
 - 一 外埠購報每半年加郵費洋一元
 - 一 定購一月者收回大洋八毛
 - 一 定購半年者收回大洋四元五毛
 - 一 零售每號銅元五枚以本日為限
 - 一 裝訂每月收回大洋一毛五分不裝訂者論
- 如遺報夫役私自加價請告知本局以便查究是為重要

目錄

命令

海軍部奏艦員王楫被脅從匪逃逸擬請嚴職奪官并奪勳章獎章通緝歸案懲辦摺

海軍部奏本部科長陳壽彭等請給勳章摺(附單)

蒙藏院奏青海郡王來京值班照例進呈筵禮請賞收摺

督辦全國菸酒事務鈕傳善奏為擬訂全國菸酒事務暫行編制並估計開支經費數目仰祈聖鑒摺(附單)

江蘇巡按使齊耀琳奏義紳楊瑞清等捐助賑款擬請獎給勳章摺

江蘇巡按使齊耀琳片奏公署據屬趙國琛等援案擬請從優叙官摺

山西巡按使金永奏前任牧令張慶澍查厚基政績卓著請以縣知事分發任用摺

山西巡按使金永片奏警佐籍違訓迭次藉案詐贓按法槍斃摺

駐義大利特命全權公使高而謙呈報交仰日期文並 批令

督辦江北葦蕩營堡務楊士聰奏恭報任事日

飭

司法部飭

教育部飭

農商部飭三則

公電

南昌李純等來電

杭州屈映光致貴州龍建章電

蚌埠倪嗣冲等來電

廣東龍濟光張鳴岐來電

太原閻錫山致雲南電

上海楊善德等致雲南電

徐州張文生致雲南電

南京駐寧禁衛軍等致雲南電

平原陸洪濤致雲南電

贛州吳鴻昌致雲南電

通告

參政院代行立法院議事日程(第二十四號)

內務部編國籍變更月計一覽表(中華民國四年九月份)

內務部編國籍變更月計一覽表(中華民國四年十月份)

廣告

政事堂奉

策令喀爾喀和碩親王那彥圖著加給車臣親王名號此令

政事堂印

洪憲元年一月二十日

國務卿陸徵祥

政事堂奉

策令祺誠武給予二等嘉禾章祺克坦祺克慎均給予三等嘉禾章此令

政事堂印

洪憲元年一月二十日

國務卿陸徵祥

政事堂奉

策令沈璋慶袁勵宸均給予四等嘉禾章此令

政事堂印

洪憲元年一月二十日

國務卿陸徵祥

政事堂奉

策令任命陳宗蕃為審計院審查決算委員會坐辦此令

政事堂印

洪憲元年一月二十日

國務卿陸徵祥

政事堂奉

策令汪慶辰授為陸軍輜重兵上校並加陸軍少將銜此令

政事堂印

洪憲元年一月二十日

國務卿陸徵祥

政事堂奉

策令參政院奏秘書王經佐等勤勞卓著請予分別進官加秩等語王經佐凌文淵均進授為少大夫常培璋加中大夫銜王運孚王永圻虞廷愷馬鳴謙均加少大夫銜此令

政事堂印

政事堂奉

策令參政院奏請將秘書王經佐進叙三等蔡璋進叙四等應照准此令

政事堂印

洪憲元年一月二十日

國務卿陸徵祥

政事堂奉

策令全國水利局總裁金邦平奏請將僉事嚴善坊技正楊豹靈均進叙四等應照准此令

政事堂印

洪憲元年一月二十日

國務卿陸徵祥

政事堂奉

策令參謀本部奏請任命田之秀為襄陽鎮守使署參謀索景斌為綏遠陸軍混成旅參謀長孫鉢傳為陸軍第七十四混成旅參謀長劉玉珂為陸軍第三混成旅參謀長應照准此令

政事堂印

洪憲元年一月二十日

國務卿陸徵祥

政事堂奉

策令陸軍部奏請以羅玉山調充陸軍第十五混成旅步兵第一團第一營營長秦錫五調充陸軍第十五混成旅步兵第一團第二營營長應照准此令

政事堂印

洪憲元年一月二十日

國務卿陸徵祥

政事堂奉

申令內務財政兩部奏准文官高等懲戒委員會議決貴州巡按使龍建章呈勅都勻縣知事孫嗣燿辦理稅契違章浮收應受褫職並奪官處分等語孫嗣燿著准照所議即行褫職停叙實官以示懲儆餘如所擬辦理此令

政事堂印

洪憲元年一月二十日

國務卿陸徵祥

政事堂奉

內務部財政部奏准文官高等懲戒委員會議決貴州巡按使湯壽潛所電勅卸任烏什縣

知事許熙霖浮收草折銀兩應受褫職并奪官處分等語許熙霖著准照所議卽行褫職停叙實官所犯涉及刑事範圍並提交法庭訊辦以示懲儆此令

政事堂印

洪憲元年一月二十日

國務卿陸徵祥

國務卿奏據銓叙局詳稱副都統充阿爾泰辦事長官程克擬請緩覲由

政事堂奉

批令程克應准緩覲此令

政事堂印

洪憲元年一月二十日

國務卿陸徵祥

國務卿奏據銓叙局詳請將司法官懲戒委員會事務各員分別叙官由

政事堂奉

批令准如所擬分別授官此令

政事堂印

洪憲元年一月二十日

國務卿陸徵祥

參政院奏擬將本院秘書廳勤勞卓著人員王經佐等請予分別進叙官等職等暨獎給

勳章由

政事堂奉

批令王經佐等已另有令明發沈頌康等並准如擬給獎交政事堂銜銓叙局查照此令

政事堂印

洪憲元年一月二十日

國務卿陸徵祥

內務部奏陝西省會警察廳薦委任各職員請分別叙官由

政事堂奉

批令交政事堂銜銓叙局核叙此令

政事堂印

洪憲元年一月二十日

國務卿陸徵祥

內務部奏應議新疆添設和什托落蓋縣佐員缺由

政事堂奉

批令准如所議辦理卽由該部轉行遵照此令

政事堂印

洪憲元年一月二十日

國務卿陸徵祥

內務部奏續報第四屆保薦核准知事現任縣缺毋庸改分各員照章分發懇准緩覲由
政事堂奉

批令准其照章分發並准緩覲交政事堂飭銓叙局查照單存此令

政事堂印

洪憲元年一月二十日

國務卿陸徵祥

內務部奏地方行政講習所第二三班畢業學員暨考試現任知事等員照章分發由
政事堂奉

批令准如所擬分發任用交政事堂飭銓叙局查照單存此令

政事堂印

洪憲元年一月二十日

國務卿陸徵祥

陸軍部奏川南鎮守使擬請定為繁缺由

政事堂奉

批令准如所擬辦理此令

政事堂印

洪憲元年一月二十日

國務卿陸徵祥

陸軍部奏蔡成勳等蒙賞世職據情代陳謝悃由

政事堂奉

批令悉此令

政事堂印

洪憲元年一月二十日

國務卿陸徵祥

陸軍部奏辛亥殉職軍官王振畿等死事慘烈擬請照章優卹由

政事堂奉

批令准如所擬給卹此令

政事堂印

洪憲元年一月二十日

國務卿陸徵祥

陸軍部奏擬請准以朱春蘭補授馬蘭鎮標中軍游擊員缺由

政事堂奉

批令准其補授單存此令

政事堂印

洪憲元年一月二十日

國務卿陸徵祥

司法部奏擬禁銷燬前清制錢罪刑恭候核准由

政事堂奉

批令准如所擬辦理即由該部通行遵照此令

政事堂印

洪憲元年一月二十日

國務卿陸徵祥

審計院奏陳本院開辦以來辦事情形編製第一屆報告書並附列各表請鑒示由
政事堂奉

批令悉察閱所呈書表條理頗爲詳明嗣後仍責成該院長督飭所屬任勞任怨切實進行按期報告俾計政日臻完備有厚望焉勉之書表存此令

政事堂印

洪憲元年一月二十日

國務卿陸徵祥

審計院奏審查決算委員會坐辦職務重要擬請援案改爲簡任由
政事堂奉

批令該院審查決算委員會坐辦准其改爲簡任陳宗蕃已另有令任命矣交政事堂飭銓叙局查照此令

政事堂印

洪憲元年一月二十日

國務卿陸徵祥

籌備國民代表大會事務局局長顧鼐奏報明貴州國民代表選舉先後辦理情形由

政事堂奉

批令悉交內務部查照附件併發此令

政事堂印

洪憲元年一月二十日

國務卿陸徵祥

鎮安上將軍督理奉天軍務段芝貴奏鎮守使吳俊陞等封爵謝恩由
政事堂奉

批令悉此令

政事堂印

洪憲元年一月二十日

國務卿陸徵祥

鎮安上將軍督理奉天軍務段芝貴奏師長范國璋等封賞爵職代陳謝悃由
政事堂奉

批令悉此令

政事堂印

洪憲元年一月二十日

國務卿陸徵祥

鎮安上將軍督理奉天軍務段芝貴奏旅長張建功車震等蒙授世職謝恩由

政事堂奉

批令悉此令

政事堂印

洪憲元年一月二十日

國務卿陸徵祥

兼署奉天巡按使段芝貴奏彙報上年冬季調委各縣知事員缺繕單請鑒由

政事堂奉

批令悉交內務部查照并由政事堂銜銓叙局查照單并發此令

政事堂印

洪憲元年一月二十日

國務卿陸徵祥

兼署奉天巡按使段芝貴奏奉省辦理交涉出力人員援案擬請分別獎叙繕單祈示由

政事堂奉

批令准如所擬分別給獎徐思明等六員並准其分別核叙文官交政事堂飭銓叙局查照辦理單並發此令

政事堂印

洪憲元年一月二十日

國務卿陸徵祥

昌武將軍督理江西軍務李純奏報陸軍第三混成旅旅署成立旅長黃振魁就職日期並代陳謝悃由

政事堂奉

批令悉交陸軍部查照此令

政事堂印

洪憲元年一月二十日

國務卿陸徵祥

昌武將軍督理江西軍務李純片奏陸軍第三混成旅旅長黃振魁職務重要擬請緩覲由

政事堂奉

批令黃振魁准予緩覲交陸軍部查照此令

政事堂印

洪憲元年一月二十日

國務卿陸徵祥

山東巡按使蔡儒楷奏改編沿海水警購置礮艦添租風船分年擴充以資巡緝恭摺祈鑒由

政事堂奉

批令交內務財政陸軍海軍各部查照此令

政事堂印

洪憲元年一月二十日

國務卿陸徵祥

山東巡按使蔡儒楷片奏山東沿海水警經費暨造購礮艦價銀懇飭部准由省庫分別墊支以維警政而重海防祈訓示由

政事堂奉

批令交財政部查核辦理此令

政事堂印

洪憲元年一月二十日

國務卿陸徵祥

湖北巡按使段書雲奏政務廳廳長胡俊采蒙給勳章轉陳謝悃由

政事堂奉

批令悉此令

政事堂印

洪憲元年一月二十日

國務卿陸徵祥

安徽巡按使李兆珍奏安徽全省警務處處長朱家珂就職日期並感激下忱由

政事堂奉

批令悉此令

政事堂印

洪憲元年一月二十日

國務卿陸徵祥

陝西巡按使呂調元奏撤任隴縣知事鈕承恩玩視煙禁竊名捏報請付懲戒由

政事堂奉

批令鈕承恩著付文官高等懲戒委員會依法懲戒並交內務部查照此令

政事
堂印

洪憲元年一月二十日

國務卿陸徵祥

陝西巡按使呂調元奏陝屬各縣核准槍斃盜匪開單彙報由
政事堂奉

批令交內務陸軍司法三部查照單並發此令

政事
堂印

洪憲元年一月二十日

國務卿陸徵祥

海軍部奏艦員王楫被脅從匪逃通擬請褫職奪官并奪勳章獎章通緝歸案懲辦摺

奏為艦員被脅從匪逃通擬請褫職奪官并奪勳章獎章通緝歸案懲辦恭摺具陳仰祈 聖鑒事竊查亂黨登陸和軍艦該艦檢廠正海軍少校王楫從匪逃遁迄今尙無下落查是日已革艦長黃鳴球離艦之時將職務交與王楫是王楫當時係艦中最高級軍官有專司全艦員兵職務命令之責任迨亂黨登艦王楫始終未能抗拒且受迫脅幫其張貼偽示散給鈔票打通旗語及謬發放礮升火各令復同亂黨乘夜逃走眾證確鑿是其被脅附從畏罪逃逸情罪顯然自應革職歸案訊辦該員係直隸鹽山縣人日本商船礮術水雷各學校畢業生民國二年五月授海軍少校曾受六等文虎章及一等獎章應請 明令將該員褫職奪官並奪勳章獎章通飭各省嚴緝解案懲辦以肅軍紀所有擬請將肇和軍艦檢廠正王楫褫職奪官並奪勳章獎章通緝解案懲辦各緣由是否有當謹恭摺具陳伏乞 皇上聖鑒訓示謹 奏

政事堂奉

批令王楫著即褫奪官職暨所得勳獎各章通緝務獲歸案懲辦以肅軍紀此令

政事堂印

洪憲元年一月十四日

國務卿陸徵祥

海軍部奏本部科長陳壽彭等請給勳章摺(附單)

奏為臣部科長等職各員辦事勤勞擬擇尤請給勳章恭摺開單具陳仰祈 聖鑒事竊臣部所屬艦隊及各機關辦事勤勞各員業經奏 准給予勳章在案其臣部科長視察副官及海軍陸戰隊營長連長等職自設部以來辦事勤勞迄今已逾四稔並未獎給勳章殊抱向隅查有代理司長本任科長陳壽彭等十六員

政府公報 奏摺

一月二十一日第十六號

勤勞獨著自應擇尤請獎以彰勞勩謹恭摺開單具陳伏乞 皇上聖鑒訓示謹 奏

政事堂奉

批令陳壽彭已有令明發餘均如擬給獎由政事堂飭銜叙局查照此令

政事堂印

洪憲元年一月十四日

國務卿陸徵祥

謹將臣部科長等職應行擇尤請給勳章人員開單恭呈 御覽

計開

視察王兼知 視祭鄭寶善 副官榮 志 科長陳彥訓 科長羅則均 科長姜鴻瀾 科長孫必振

科長丁士芬 科長林國廣 科長林鑑殷 陸海軍會計審查處科長郭幹卿 陸海軍會計審查處科

長郭則凍

以上十二員擬請給予五等嘉禾章

海軍陸戰隊營長胡德馨

以上一員擬請給予六等嘉禾章

海軍陸戰隊連長楊敦麟

以上一員擬請給予八等嘉禾章

海軍陸戰隊連長曲殿臣

以上一員擬請給予九等嘉禾章

陸軍部...

竊本王等於十二月二十四日到京值年班按照向章青海二十九旗呈進糧糶二百正懇乞轉奏 賞收等情前來查青海二十九旗每年照例呈進糧糶二百正迭經辦理在案除由臣院照章發給庫條外理合據情代奏伏乞 皇帝陛下聖鑒賞收謹 奏

政事堂奉

批令准予照收由該院照章辦理此令

政事堂印

洪憲元年一月十四日

國務卿陸徵祥

督辦全國菸酒事務鈕傳善奏為擬訂全國菸酒事務署暫行編制並估計開支經費數目仰祈聖鑒摺
(附單)

奏為擬訂全國菸酒事務署暫行編制並估計開支經費數目恭摺仰祈 聖鑒事竊全國菸酒事務署以全國菸酒公賣局改設曾將開署日期恭摺奏報在案查全國菸酒公賣局向係隸屬財政部辦理此次由部劃分改設專署所有人員職務均應另行分配組織茲擬訂暫行編制十五條遴選人員暫行委任查照此項規定督飭認真辦理所需經費數目樽節估計月共需銀一萬二千元之譜現在各科尙未全行設置實用尙不及萬元應請即由菸酒徵收項下如數提支以資辦公所有擬訂全國菸酒事務署暫行編制並估計開支經費數目各緣由理合繕具清單恭摺具陳伏乞 皇帝陛下聖鑒訓示謹 奏

政事堂奉

批令准其暫行試辦交財政部查照單並發此令



洪憲元年一月十五日

國務卿陸徵祥

全國菸酒事務署暫行編制

第一條 本署管理全國菸酒公賣及稅捐事宜

第二條 本署置職員如左

督辦一人 坐辦一人 秘書二人 科長五人 科員十六人 辦事員無定額 錄事無定額

第三條 督辦恭承 欽命掌理本署事務及統屬各省菸酒局所職員

第四條 坐辦秉承督辦處理本署事務督辦如有事故時得代行其職務

第五條 秘書承長官之命令掌管機要事務

第六條 科長承長官之命令掌管本科事務

第七條 科員辦事員承長官之命令分掌各科事務

第八條 秘書掌理事務如左

關於本署及所轄各機關職員之進退事項 關於本署及所轄各機關職員之考績事項 關於法規之

核定及制訂事項 關於文電之分配事項

第九條 第一科掌理事務如左

關於文電之收發事項 關於各省稅款之徵解及登記事項 關於本署及所轄機關經費之預算計算

事項 關於調查事項 關於印信之典守事項 關於編制統計事項 關於本署僱員等之進退事項

關於本署庶務事項 其他不屬於各科之事項

第十一條 第三科掌理陝西甘肅新疆奉天吉林黑龍江等省之菸酒公賣及稅捐事項

第十二條 第四科掌理江蘇浙江安徽雲南貴州熱河等省之菸酒公賣及稅捐事項

第十三條 第五科掌理湖北湖南福建廣東廣西四川等省之菸酒公賣及稅捐事項

第十四條 本署因事實上之必要得置技正技士及顧問員調查員若干人

第十五條 本編制自 奏准之日施行

江蘇巡按使齊耀琳奏義紳楊瑞清等捐助賑款擬請獎給勳章摺

奏為義紳捐助賑款擬請獎給勳章以資激勸恭摺仰祈 聖鑒事竊查上年江北災情緊急籌款維艱前督辦江皖籌賑事宜許鼎霖等請將捐款紳民獎給勳章以昭激勸經內務財政兩部議復如有特捐二千元至萬元者准其呈請特別獎給嘉禾勳章呈奉 批准照辦在案茲查有楊瑞清武進縣人家僅中貧因念丹陽春賑需款慨將歷年所購田二百畝變價銀一萬元助賑似此熱心救災不啻毀家紓難洵屬難得又義紳陶鴻志充鹽城賑務總董籌設粥廠歷時四月救濟饑民四萬餘人自捐賑款三千八百元經募捐款一萬五千元壁畫經營始終弗懈據上海義賑會鹽城縣知事先後請獎前來伏查蘇省上年災重款絀困難萬狀而籌募義捐勢成弩末該紳楊瑞清陶鴻志獨捐巨款俾濟災黎既屬義行可風允宜從優獎勵且核與部議特獎辦法相符合無仰懇 恩施俯准將楊瑞清陶鴻志二員獎給嘉禾勳章以資鼓勵除咨內務部外理合恭摺具陳伏乞 皇上聖鑒訓示謹 奏

政事堂奉

批令交政事堂飭銓叙局核獎此令

政事堂印

洪憲元年一月十四日

國務卿陸徵祥

江蘇巡按使齊耀琳片奏公署據屬趙國琛等援案擬請從優叙官摺

再巡按使公署據屬趙國琛一員前以知縣分發直隸曾充各項要差措置裕如嗣復歷任肥鄉河間成安東明等縣所至有聲上年在湖北漢陽縣任內經前湖北巡按使臣呂調元保舉賢能請以道尹擢用給咨送覲奉 令交政事堂存記發往直隸任用本年八月經臣約其來蘇委充諮議辦理警備機要事宜旋經臣奏請調蘇任用又黃慶瀾一員前清歷任湖北德安宜昌等府知府頗著循聲旋奉簡署湖北高等檢察長民國元年任上海地方審判廳長臣前在吉林巡按使任內曾經臚舉事實呈請以道尹擢用三年九月給咨送覲奉 令交政事堂存記適值調任蘇省復經委充顧問旋改諮議一年以來深資臂助以上二員積資既深又均有簡任資格先後供職勤勞尤著循例叙官尤宜從優臣前以公署據屬有簡任資格之王莘林等贊襄得力呈請叙官經政事堂銓叙局議復照薦任職從優核叙今趙國琛黃慶瀾二員資勞成績核與前案相同自應援照辦理擬請 批交政事堂銓叙局按照各該員資格從優請叙以昭激勸除咨銓叙局外理合附片陳明伏乞 皇帝聖鑒訓示謹 奏

政事堂奉

批令交政事堂銓叙局核叙此令

政事堂印

洪憲元年一月十四日

國務卿陸徵祥

奉命前任教令政績卓著核案懇請以縣知事分發任用恭摺仰祈 聖鑒事竊查晉省現署縣知事陸廷珍曹聯鵬彭承祖三員暨前署縣知事張作霖劉文述二員均於第四屆保薦免試知事未蒙審查核准復經臣詳加考察臚舉成績奏請以縣知事分發任用欽奉 批令照准仰見 聖明於慎重名器之中仍寓鑒拔真才之意欽佩莫名茲復查有前署河南蘭封縣知事張慶澍勤政愛民不避勞怨前清以知縣分發到汴准補鞏縣知縣宣統三年十月調署蘭封縣缺抵任以後適值武昌潰兵四逸竄入邑境衆心驚惶該員躬辦鄉團訓練警察力任維持之責復設支應局以供需用得免蹂躪該縣城垣傾圮且爲塵沙所屯一遇警報捍禦無方該員捐廉倡修藉資保障民國元年四月間山東曹縣刀匪二百餘名擾及蘭邑該員督率隊勇奮身剿捕擊斃匪梁乘李老虎等多名並擊獲劉阿妮等六名民賴以安經前直隸王民政長以勇謀兼具特記大功其他整頓徵收清理詞訟興辦教育實業各要政亦能力求實效民情愛戴歷久不忘上年九月投効來晉委充監修文峪河工差時正霖雨連旬河水橫溢該員督工修治勞瘁不辭本年監修沙河堤壩各工學畫精詳工堅費省爲歷來所僅見以故本年秋汛居民田廬保全甚衆又查有前代理直隸磁州知州查厚基樸實耐勞膽識足特前清出直隸府經歷保升知縣光緒三十二年代理威縣知縣該邑地多山僻盜賊出沒無常鄰境曲周地方有巨盜董四等勢甚披猖肆行搶掠附近各縣一夕數驚該員遴派幹警先後擒獲盜魁董四等八名悉置之法餘黨聞風逃散閭閻得慶安全又復修葺監獄以防疏失普設學校以愛育人民爲務旋護臨洛關同知其勤政恤民一如在威宣統二年代理磁州知州維時各大吏以擴充巡警推廣教育爲當務之急嚴行督促文電交馳歷前任俱因經費困難未克兼籌並顧該員到任後體察情形設法籌勸至誠所感各界樂輸傾使款項充而要政舉上年八月電調來晉旋派立法院議員山西覆選區選舉事務所事務員動慎從公深資得力繼緣設立薛疇緝拏私土局該處瀕臨黃河爲陝土入晉要道渡口林立稽查極難自非精明廉潔之員不足以絕來源而除流毒因即遴委該員前往籌設凡所規畫悉協機宜認真巡緝迭次查獲大幫土販解省懲治是其任怨任勞誠屬不可多得以上二員臣俱知之素論曾於第四屆知事試驗案內咨

部保薦免試審查未經核准在當事者慎重名器甄核自不得不嚴良以知事為親民之官用非其人民生必隱受其患意至公也竊謂循資序所以待常士考經驗乃能別真才如該員等皆歷任繁區所至政績班班可考至今豫直人士猶稱道不衰是該員等於知事職任綽有餘裕繩以嚴格容有未符試以事功才皆可用際此杜絕冗濫振拔賢能苟非確有設施斷不敢登諸薦牘查該二員曾任地方政績彰著與張作霖劉文述二員情事相類合無援案仰懇 天恩俯准將張慶澍查厚基二員以縣知事分發山西任用出自 逾格鴻慈理合恭摺具陳伏乞 皇帝聖鑒訓示謹 奏

政事堂奉

批令張慶澍查厚基准以縣知事任用交內務部查照此令

政事堂印

洪憲元年一月十四日

國務卿陸徵祥

山西巡按使金永片奏警佐籍違訓迭次藉案詐贓按法槍斃摺

再前據署孟縣知事尹榮修詳稱民國四年十月十二日知事訪聞縣屬關頭村駐紮巡兵有壓拷平民索詐得贓情事當經派員嚴密訪查茲查得十月九日有寺家坪村民人喬六十五同河曲縣客民張姓路經關頭村被駐卡巡兵胡樹林在喬六十五身旁搜出煙土一兩餘將喬六十五等扣留壓扛拷問喬六十五之父喬煥章聞知情急當央村人張鳳麟到卡賄求十一日胡樹林偕同張鳳麟向警佐籍違訓關說令喬六十五出大洋五百元息事十五日胡樹林同巡兵龐金士等到寺家坪經張鳳麟過付先交大洋三百元喬煥章於交洋後忿急自縊經救得生胡樹林恐事敗露先行逃逸又四年十月十二日警佐籍違訓訪聞和合店掌櫃張丙寅私藏煙土有向張丙寅勒索大洋四百元限半月交款情事當經電飭尹知事將籍違訓暨案內各犯

嚴切審訊正查李樹林務獲究辦茲據該知事提集一千人證逐加研訊據籍遵訓迭次藉案詐贖實取具切供詳請懲辦前來臣當以該犯籍隸迭次藉案詐贖雖到手贖款僅止三百一十元而索詐贖款已達九百元之多且有壓打拷問情事尤屬慘無人理直與盜賊無異以官吏而為盜賊行為實屬令人髮指現值整頓警務之時此等貪酷不法之員斷不容稍事姑息當經批飭查照官吏犯贓治罪條例按法槍斃以昭炯戒而快人心過付人張鳳麟說事過錢又從中需索並警兵龐金士等朋分贖款均屬罪不容寬飭縣分別擬議詳辦除勒緝在逃之胡樹林務獲究辦外所有警佐籍隸迭次藉案詐贖批飭按法槍斃緣由理合附片具陳伏乞 聖鑒訓示施行謹 奏

政事堂奉

批令悉交內務司法兩部查照此令

政事堂印

洪憲元年一月十四日

國務卿陸徵祥

駐義大利特命全權公使高而謙呈報交卸日期文並 批令

為呈報交卸日期仰祈鈞鑒事竊於民國四年十月十二日准外交部電傳 大總統九月三十日命令高而謙辭職照准任命王廣圻為駐

義公使等因奉此旋因病體增劇電部請派代辦復准外交部電派本館二等秘書李向濂代辦使事而謙遂於十一月一日卸任當將印信並華洋文卷以及器具等項一一移交代辦李向濂接收除電外交部請先代呈外所有交卸日期緣由理合備文呈報謹乞 大總統鈞鑒謹 呈

政事堂奉

批令悉此令

政事堂印

洪憲元年一月十四日

國務卿陸徵祥

督辦江北蕪蕩營務楊士壘奏恭報任事日期摺

奏為恭報任事日期仰祈 聖鑒事竊於上年十月二十三日奉

抵江北於本年一月一日到局任事伏念臣資材駑下遭際 興明備位議員

夙夜祇懼資蕪蕩之弊在隳混隱匿而辦理之難在清丈升科臣曩官南河曾議招墾其時

出暨財政旋督越稱十稔之內未至清澄詢訪情形已殊時昔河漕改革而籌藉難稽

能勳宜 德意兼任勞任怨之 調竭矢公矢慎之忱藉答 高厚鴻施於萬一所有微臣到局任事日期理合恭摺具陳伏乞

帝鑒鑒謹 奏

政事堂奉 批令悉此令

政事堂印

洪憲元年一月十四日

國務卿陸徵祥

奉 命以來 特簡復明勳錄之官受

手尚易惜乎格而未行嗣後入參京曹蒙司賂

僅存楚而民生日敝操縱紛紜實未易言惟當勉竭

微臣到局任事日期理合恭摺具陳伏乞

高厚鴻施於萬一所有微臣到局任事日期理合恭摺具陳伏乞

帝鑒鑒謹 奏

政事堂奉 批令悉此令

勅

司法部飭第二五號

為通飭事上年九月三十日奉 教令公布文職任用各令自應敬遵辦理近來各省詳報任用監獄官員其資格間有不合者殊非整肅官常之道嗣後關於任用監獄官員必須指明合於何款資格於詳內切實聲明並將憑證等件隨詳送驗聽候覆核以昭鄭重除分行外為此飭仰遵照辦理此飭

司法總長章宗祥

京外高等檢察廳檢察長

右飭

熱河 綏遠 都統署審判處處長 准此
察哈爾 新疆司法籌備處處長

部印

洪憲元年一月十三日

教育部飭第七號

為飭知事本部學習員劉展蘭劉秉章黃于協等三員補習期滿應予留部改充辦事員此飭

教育總長張一麐

右飭本部學習員劉展蘭等准此

部印

洪憲元年一月十四日

農商部飭第十五號

為飭知事林務處現已成立除督辦由次長兼任外茲派僉事韓安專任會辦顧問余佛西兼任會辦除分飭

外此飭

農商總長周自齊

右飭 僉事韓安准此
顧問余佛西

部印

洪憲元年一月十一日

農商部飭第十六號

為飭知事僉事魏宗蓮調充林務處第一科科长此飭

農商總長周自齊

右飭僉事魏宗蓮准此

部印

洪憲元年一月十一日

農商部飭第十七號

為飭知事茲派林務處會辦僉事韓安兼充林務處第二科科长此飭

農商總長周自齊

右飭韓安准此

部印

洪憲元年一月十一日

公電

南昌李純等來電一月九日

政事堂統率辦事處各部院局將軍巡按使並轉都統護軍使司令均鑒前接貴州龍巡按使卅一電所述各節危言滿紙忠愛可欽惟尋繹之餘不無疑惑請略言之此次國體解決費幾許手續費幾許時期元首則慎審再三司其事者復恪遵法律表決宣布中外咸知推戴今上羣情一致竊謂此舉無絲毫之缺憾得美滿之結果南山可移此案不可復動乃該使則欲召集國民會議再行開會討論復派在京長官到院陳述一切不知此等舉動係依據何國成規遵循何項法案而使國體重大問題決之於國民代表爲不可據必再決於國民會議而始可行是直以國家爲兒戲耳豈非貽笑全國玩視民意顛倒錯亂意欲何爲此其可疑者一原電又稱默察現狀人心浮動軍隊散漫財政枯窘等語姑無論胥屬空言毫無事實即誠如是知更宜從速宣布君憲以定國是而安人心若猶一議再議故事遷延自相反復失威信於軍民極其所至誠恐有險象環生禍機四伏之慮與該使所言適成一反證不知該使又何以自解也矧已有人倡言反對猶爲之故作危詞以聳觀聽論者若貴以爲叛人間接遊說或謂爲暗助逆謀律以春秋誅心之義奚以自白此其可疑者又一也總之事至今日國體已定帝位有歸有言反對者即是亂臣賊子人人得而誅之況唐任等逆謀種種叛悖情形顯然昭著此時除聲罪致討外已無他項辦法之可言貽使曉曉尤無討論之價值李純威揚同叩陽印

杭州屈映光致貴州龍建章電一月四日

國體問題大定已久此時已在帝制政下寧復有依違擬議之餘地政事堂感電傳奉 上諭虛懷下採在吾輩愚見對於此電祇當奏陳處理唐任諸人亂事之方法更不宜涉及國體敝處對於感電電奏業已通布計在亮察連日接各省將軍巡按使及各路統兵長官來電皆言軍民義憤敵愾一心即貴省劉護軍使來電稱軍民協力地方安謐近日代行立法院並據各省國民代表之電促宜布蔡唐等三大罪建議請討足見除

蔡唐數人以外全國更無異議惟對滇方法則或主先行聯電勸阻或主合詞奏請聲討和平激烈稍有不同然皆無再議討論國體者貴巡按使獨謂軍民私議豈其別有據聞無論國民會議之召集與國民代表大會所議決在法律上各有專責不能互相干涉以此抑彼且以蔡唐等一二人之抗議而遽開一全國大會以爲之裁定則國內擾攘寧有已時吾輩身任疆圉際此艱難締造之會惟當以恪承朝命力奠民安爲職務而異日之毀譽功罪亦即憑此以定之倘有游移動駭物聽萬一危及地方則上負國家下負人民及身蒙恥萬死莫贖遑所論於千秋萬歲况貴省密邇滇疆折衝所寄仔肩尤重務乞力鎮浮言堅持定見與劉護軍使同心協力共建殊勳忝附同舟矢期共濟尊指所述實不敢冒昧贊同屈映光冬印

蚌埠倪嗣冲等電一月五日

政事堂統率辦事處除雲南貴州各省將軍巡按使承德歸化張家口都統上海福州寧夏護軍使均鑒滇省倡亂條已經旬各省以風雨同舟雅不欲同室操戈致損元氣是以垂涕而道至再至三原期弭亂無形以冀邦基而維大局詎蔡唐等梟獍性成怙惡不悛宣布獨立殘害忠良罪惡貫盈摧髮難數各省同仇敵愾羣思請纓闕下征討不庭足見衆志成城忠誠奮發迺接貴州龍巡按使儉豔兩電國體問題請召集國民會議公決等語籌繹再三殊深詫異查國體業經解決中外周知鐵案如山無可再議福州李護軍使許巡按使東電浙江屈巡按使冬電駁之最詳萬無復請公決之理爲今之計當以全國公意助平滇省一隅之亂斷不能以滇省一隅私見牽動全國根本之圖嗣冲等愚見竊以當此時機宜一面奏請 皇上早正大位以定名分而安人心一面各省酌奪情形除鐵嶺地方外各省抽調軍隊若干奏請簡派大員統率赴滇用伸天討庶見全國心理之大同斷不容二三奸徒辯言煽亂聲威所播定當立就邊平除敵省預備十營聽候調遣外是否有當尙希賜教爲幸倪嗣冲李兆珍豪印

廣東龍濟光電一月三日

統率辦事處鈞鑒東電奉悉滇逆首叛國家藉詞構亂叛象已成惟有恭伸天討大張撻伐奠定邊疆此外更

無辦法點電所云聯絡各省設法調處殊屬措詞失當謹釋電意宗旨可知遵當注意防範清光鳴鼓叩東印
太原閻錫山致雲南電一月一日

雲南唐將軍任巡按使鑒敬日通電諒已達覽事隔數日未奉復音錫山誼忝同舟情殷忠告特再垂涕泣道幸鑒納焉此次國體變更由於全國人民之公決宣布中外共見共聞我國積弱險象環生改造軍國必藉帝制救亡圖存舍此無策公等深明世界大勢豈竟見不及此乃從前對於君憲主張甚力今忽離奇背謬判若兩人此必受人之愚弄非出自本心道路傳聞蔡錫等勾結亂黨前往滇省煽惑謀亂查蔡等在京首先提倡君憲糾合軍界親筆簽名請願上書亦曾列銜墨藩未乾遽懷異志竄入滇邊假詞號召彼以湖南之暴烈分子加禍於雲南之父老子弟事敗潛逃何所顧惜公等居父母之邦受國家封疆之寄元首恩遇之隆亦忍甘心附亂自取覆亡危禍桑梓遺臭萬世何不仁不智之甚也滇省素稱瘠苦軍隊無多以一隅之衆抗全國之師順逆顯著利害昭然公等受迫爲難海內共諒中央更無不予以自新惟望幡然改圖通電各省取消前電并將肇事叛徒嚴行撲滅則過不掩功豈非上計若仍執迷不悟甘爲國民公敵惟有奏請宣布罪狀與師致討錫山身爲軍人祇知保衛國家服從命令爲天職殫竭愚誠有言必盡臨電神馳立盼惠復閻錫山叩
卅一

上海楊善德等致雲南電一月一日

閻閣將軍鑒討電知兩公通電各省謂受軍民逼迫要挾取消帝制不勝駭異查變更國體貴省國民代表不曾一致投票贊成乎兩公不曾通電率領軍政各界一再勸進乎軍民既贊成於表決之前必不反汗於既定之後以此誣譏軍民其誰能受此事研究數月全國軍民一致贊勸使元首擺脫未能不得不俯從民意今帝國既定民國消滅已無追論之餘地乃兩公忽有此電實難索解干犯衆怒智者不爲兩公賢明決不出此諒必爲亂徒所制假名號兩公功業冠時奚致爲人利用失足千古殊爲可惜伏望熟思審處即日表示初衷取消前電剷除亂黨撫輯軍民大局幸甚善德等素佩兩公敬伸忠告敢祈賜示以慰杞憂如不見聽善

德等惟有整率師旅請旨聲討恐大軍雲集漢省百萬生靈塗炭於兩公之手矣諸布腹心伏希諒察楊善德
盧永祥卅一印

徐州張文生致雲南電一月十一日

共和政體不適國情四年以來派莽已極定亂扶傾端在君憲全國既一致贊成執事亦再三推戴有電悖謬
實駭聽聞夫識時務者爲俊傑惑於邪言頓萌異志是謂不智稱兵桑梓塗炭生靈是謂不仁反復模稜自相
矛盾是謂不信甘爲戎首背叛中央是謂不忠操戈同室袍澤仇讐是謂不義有此數端執事等無以自立何
以臨民何以爲國誰爲禍首生此厲階致數日之間羽檄紛馳全以執事等犯天下之大不韙籲請聲罪致討
現北兵已紛紛協下黔桂川邊一律戒備敵部各路亦枕戈以待倘猶執迷負隅王師所指玉石俱焚噬臍何
及若其悔悟席藁待罪 元首轡達大度必予以自新之路文生誼屬同袍不忍膜視歧途思返願納芻言
定武軍總司令徐海鎮守使張文生叩蒸印

南京駐寧禁衛軍等致雲南電一月八日

雲南唐繼堯任可澄蔡鐸戴戡國體決定純由民意非爲一人謀福利實爲舉國策安全其理至明應所共喻
爾等上年十月十二日懇請早定大計電文具在足徵人同此心同此理無待譬曉乃漾電忽前後矛盾藉
非衷心病狂決無自食其言甘居叛逆之理蔡鐸在京首先贊成君憲今竟無端反復潛樹亂謀不信不義莫
此爲甚爾等託詞反抗無非藉負隅之勢爲倡亂之圖不知滇處絕地餉械兩竭盜弄潢池終歸自斃公敵之
所在即天討所必加以順伐逆何往不克在爾等固爲孽由自作覆載不容惟滇省赤子何辜特以二三首惡
倡亂幾淪化外爾等服官梓鄉又將何詞以解用特聯電切責倘仍執迷不悟妄思螳臂當車則鷹鷂之逐人
有同情某等忝握兵符惟有秣馬厲兵敬待朝命指日南發以拯生靈引領滇雲吾言不再駐寧禁衛軍陸軍
第四師陸軍第十師陸軍第十九師陸軍第五混成旅陸軍第十八混成團江蘇陸軍第二師陸軍第七十四
混成旅陸軍第七十五混成旅陸軍第七十六混成旅憲兵要塞步兵掩護隊揚州游緝隊全體陽印

平原陸洪濤致雲南電一月四日

雲南唐將軍任巡按使公鑒頃二公通電各省意在取消帝制是否誤會事機抑係亂黨假託遠道聽聞疑信交集查自共和成立四載於茲擾攘紛紜亡將無日識時豪傑全國人民不忍神明胷裔淪於牛馬奴隸故迭次籲懇 元首早正大位以立國本而繫人心夫有定天下之大功自應爲天下之共主舜避南河朝覲紛至武會孟津諸侯畢從溯自民國締造大亂頻仍底定山河維持內外環顧海宇詎有二人以今日民心之傾嚮時勢之迫趨 主座雖不以利天下爲心終不能置蒼生於弗顧誠所謂薦於天而天受之暴於民而民受之也二公屏蔽滇南名滿寰區擁護中央有識同認若如近日通電所云則是意圖擾亂前後盾矛清議既所不容公憤且必叢集操戈同室萬劫將成智士仁人夫豈出此甘省距滇雖遠然趙良棟以隴卒摧三桂岳鍾琪以西師平苗疆恃險必殆想所飭聞伏望洞觀大勢力却浮言共懋桓文之功勳勿蹈黃李之軌轍則雲臺麟閣豈讓前賢倫或忠言逆耳戎首自甘將內亂既起外患必興豆剖瓜分誰尸其咎况以雲南一隅妄奮螳臂成敗利鈍尤可逆睹洪濤國家爲重生死念輕亂我神州即爲公敵兵戎相見實所不辭隨電隕涕言盡於斯諸惟鑒納隴東鎮守使陸洪濤叩冬印

贛州吳鴻昌致雲南電一月二日

君主立憲爲全國人民所傾向而以我軍界贊成爲尤切良以民之好惡關繫國之存亡天視民視天聽民聽順天者昌逆天者亡 今上神明睿武勦亂定功應天順人中外翕服公等生長中國食毛踐土具有良心仰觀天命俯察輿情民意所歸如水之就下勢不可遏顧亭林曰天下興亡匹夫有責公等何得使神州陸沉甘爲後人唾罵而爲世人之公敵矧出爾反爾亦非君子之所爲夫共和不適中國贛寧之亂可爲殷鑒今者大計已定帝位有歸朝野歡騰人心鞏固泰山可移帝制決不可消蟬蟻撼樹螳臂當車適見其細耳敬陳忠告即希採納贛南鎮守使吳鴻昌叩卅

政府公報

一月二十一日第十六號

參政院代行立法院議事日程(第二十四號)
 洪憲元年一月二十一日(星期五)下午一時開議
 一洪憲元年度路電郵航四政特別會計預算案(政府提出)審查報告

內務部編國籍變更月計一覽表 (中華民國四年九月份)

| 喪 | 者 | 籍 國 得 取 | | | | | | | | | | |
|-------|---------|---------|------|--------|----------|------------|---------|-----------|-----|----------|----|--|
| | | 姓 名 | 年 齡 | 原 籍 | 現 住 所 | 財 產 或 職 業 | 變 更 原 因 | 許 可 日 期 | 備 考 | | | |
| 萬 福 來 | 潘 植 我 | 男 | 三十歲 | 福建晉江縣 | 日本神戶市海岸通 | 同上 | 同上 | 同上 | 同上 | 同上 | 同上 | |
| | 樸 競 淑 | 女 | 一歲 | 同上 | 同上 | | 經商 | 同上 | 同上 | 同上 | 同上 | |
| | 樸 競 智 | 男 | 十歲 | 同上 | 同上 | | | 同上 | 同上 | 同上 | 同上 | |
| | 樸 競 哲 | 男 | 十二歲 | 同上 | 同上 | | | 同上 | 同上 | 同上 | 同上 | |
| | 樸 翰 那 | 女 | 三十一歲 | 同上 | 同上 | | | 同上 | 同上 | 同上 | 同上 | |
| | 樸 東 轅 | 男 | 三十四歲 | 朝鮮咸鏡北道 | 吉林延吉縣志仁鄉 | 土地三畝房屋三間業商 | | 歸化 | 同上 | 同上 | 同上 | |
| | 佐 藤 小 金 | 女 | 二十二歲 | 日本宮城縣 | 同上 | | | 與僑民陳李霖結婚 | 同上 | 同上 | 同上 | |
| | 富 田 清 次 | 男 | 二歲 | 日本靜岡縣 | 日本橫濱市 | | | 僑民薛由章領為養子 | 同上 | 四年九月二十九日 | 同上 | |

政府公報 通告

一月二十一日第十六號

內務部編國籍變更月計一覽表 (中華民國四年十月份)

| 取得國籍 | 姓名 | 性別 | 年齡 | 原籍 | 現住所 | 財產或職業 | 變更原因 | 許可日期 | 備考 | 失 | | | | | | | | |
|------|-----|----|------|-------|------------|-------|--------|------|----|-----|---|------|----|----|----|----|----|--|
| | | | | | | | | | | 者 | 籍 | 國 | 失 | | | | | |
| 日本 | 周起搏 | 男 | 四十二歲 | 同上 | 同上 | 同上 | 同上 | 同上 | | 周起搏 | 男 | 四十二歲 | 同上 | 同上 | 同上 | 同上 | 同上 | |
| 日本 | 周吳氏 | 女 | 三十七歲 | 同上 | 同上 | 無 | 隨同歸化日本 | 同上 | | 周長茂 | 男 | 十二歲 | 同上 | 同上 | 同上 | 同上 | 同上 | |
| 日本 | 周起特 | 男 | 三十九歲 | 同上 | 同上 | 經商 | 歸化日本 | 同上 | | 周長茂 | 男 | 十二歲 | 同上 | 同上 | 同上 | 同上 | 同上 | |
| 日本 | 高溪泉 | 男 | 四十六歲 | 同上 | 日本神戶市二宮町 | 同上 | 同上 | 同上 | | 周起特 | 男 | 三十九歲 | 同上 | 同上 | 同上 | 同上 | 同上 | |
| 日本 | 高彩實 | 女 | 二十歲 | 同上 | 日本神戶市葺合二宮町 | 無 | 隨同歸化日本 | 同上 | | 高溪泉 | 男 | 四十六歲 | 同上 | 同上 | 同上 | 同上 | 同上 | |
| 日本 | 陳可仁 | 男 | 三十七歲 | 福建金門縣 | 日本神戶市榮町 | 經商 | 歸化日本 | 同上 | | 高彩實 | 女 | 二十歲 | 同上 | 同上 | 同上 | 同上 | 同上 | |
| 日本 | 鮑翼君 | 男 | 同上 | 廣東香山縣 | 日本神戶市海岸通 | 同上 | 同上 | 同上 | | 陳可仁 | 男 | 三十七歲 | 同上 | 同上 | 同上 | 同上 | 同上 | |
| 日本 | 陳淑彬 | 男 | 三十三歲 | 廣東順德縣 | 日本神戶市榮町 | 同上 | 同上 | 同上 | | 鮑翼君 | 男 | 同上 | 同上 | 同上 | 同上 | 同上 | 同上 | |

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特撮舉大要通告國民查全國國民請願之始其請願書多至百起以上論其地則自二十二省各特別行政區域蒙回青海西藏以及海外僑民論其人則學士大夫農工商實業以及各項公會團體雖請願之理由言人人殊而其懲既往之流失悚將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首可自齊民選出將人懷可取而代之心權利競爭禍將靡底此從治本論之而知共和之不宜於我國者也又謂國家創業垂統肇始義軒數千年歷史相承君統未嘗中絕即在羣雄割據之時而正統偏安猶待史家論定凡以明一日不可無君之義即可知四海攸賴一人之殷改革以來羣龍無首變故迭生邦基墮旣賢智者日夕憂疑推魯者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美例外已近聯邦

我國方里四千萬而且五族各異其性南北各異其宜苟中央權力稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生翰寧之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以為將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之為期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以為將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論為大總統者如何賢明不過多方設法以維持現狀已爾欲求立憲以謀國家之進步兩轅北轍其道無由此就將來論之而知國體之不可不從速變革者也更有就君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而一易或數十年而一易甚或數年而一易其開創之君非不雄才大略規模宏遠無如數傳而後法度漸弛遺澤就涇國統遂絕六朝五代之際君位直如奕棋人民蕩析離居幾於不可終日論者每舉以為君主制病而不知此非君主制之病君主而不採用立憲制之病也世界各國政治均由人治時代晉而為法治時代而中國政治蓋猶有數千年來人存政舉之遺思前此治亂相循邦基不固國是未定厥有由來現在欲求立憲既以君主為前提而實行君主制度尤必以立憲為要義查東西立憲國家有強固之政府以擔負責成有穩健之議會以協贊政府上下相與之際各有一定之法令以為運行君主總攬大權實居於調劑之地位相推相盪以劑其平英主無所增中主無所損故國家元首雖等於神聖之尊嚴而其實當立於政治潮流之外有政府與人民接近之事而無若君與民衝突之

覆按也我國若於決定君主立憲國體後使憲政得以實行是有數千年君主之利而無數千年君主之弊政
治革新遠軼三五矣此就君主立憲綜合言之而知中國之國體政體舍此更無他道也以上各種理由特就
全國國民歷次請願書中所主張舉其較重者言之餘者尙更難盡成編具在可以覆徵代行立法院因其
言之痛切而有益於事勢也以決諸國民之公意而全國之國民代表亦滲人同此心心同此理以相與有成
使我五千年聖聖相承之君主國體回復舊觀各強國盛行之立憲政治得所期望猗歟盛哉固係我國民程
度之高而以國民組織國家以國民推戴君主開世界最新之特例留歷史無上之光榮試以此次改革與從
前征誅之局相較征誅者克以武力彼此不免猜嫌非厲行專制之後難言民意此次改革純出於民意之協
同全國上下共此一心憲政之進行法治之國家即可由斯地點再以此次改革與從前揖讓之局相較揖讓
之授受終未能出自人民其君民之感孚恐不能異常融洽此次推戴純出於民意之愛戴君民之際不啻家
人好民之所好惡民之所惡斷不至稍形隔膜故自君主立憲國體確定以來 今上皇帝以救國救民之
索願爲國利民福之良圖於國家根本問題則從速制定憲法定期召集民選之立法機關於國家行政事務
則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之
一切弊政如沿用閹人採選官女以及拜跪奔走繁文縟節等等又已 明令聲明概從屏棄永懸厲禁併
聲明總期君主稅政悉予掃除等因開國規模權輿於此上年十二月十三日國體既定文武官吏觀賀
皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心
理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我
國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許
困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫
鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不
敢避惟中國至大國事至重予以一手一足爲力幾何所望大眾同心協力犧牲一切以救國家應足匡予不
逮此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有
稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝為尊榮則國家必不保即大眾如視皇帝為尊榮則國家亦必危自今以後予與國民當共視為夙薪膏膺之日惟願各以國家為重以期共濟艱難若國體既改而於政治不能整理進行不僅予無以對我國民即庶職百司亦皆無以對我國民也等語 天語煌煌羣衆感泣恭繹其義約有數端一國體決定後將來政治進行必有以慰全國人民之希望二犧牲一切以救國則決定國體事件實關於國家之久安長治不關於一姓之安富尊榮三籌備典禮力削繁文必一洗數千年君主批政之積弊四因國事艱難願萬衆同心協力即為實行立憲政治之精神此項鄭重宣言求之中西史乘均所罕覩凡我國民均應一心一德仰副聖懷矧自改元洪憲以來首 頒注重師範教育及警察法規之令凡所以為增進國民智識維持國家公安計者用意至為深遠而整理財政實行預算制度并以 明令聲明辦事者多節一分糜費即為國家厚一分財源并即為吾民養一分物力等因節用愛人之訓充足表示憲政精神至於國家政務應興應革事件現復通盤計畫虛懷採納以期利於民者無不興病於民者無不去唐虞三代之盛軌五洲萬國之隆規如果天佑中華行之十年必有治定功成之日溯自清末失政民瘼水火想望治平不可必得良善者坐困閭閻狡黠者穢耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前絕後之法定國民代表大會以全國一致之公誠定萬年不拔之君憲而代行立法院復以全國國民總代表之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有責願各竭手足之能成此昌明之運國家幸甚國民幸甚特此通告

洪憲元年一月十日

●三年及四年公債利息一月撥款安存銀行

購三年及四年內國公債票諸君請鑒本年一月份利息各十二萬元共二十四萬元現已收到並存於中國交通兩銀行登列公債利息項下預備屆時提撥特此奉聞

中華帝國海關總稅務司內國公債局協理安格聯謹啟

●大律師李焜焜廣告

本律師專以鞏固國法維護人權勤強扶弱為目的現已銷假仍代理北京各級法院民刑訴訟及一切法律

環城鐵路鋪軌工程業經完竣於本年一月一日開車售票由正陽門至西直門中間經歷東便朝陽東直安
定德勝等五門每日往返各五次鐘點列後

正陽門開

上午七點二十分
上午十點五十分
上午十二點三十分
下午三點二十分
下午七點十分改運石渣不掛客車

西直門到

上午八點零六分
上午十點五十一分
上午一點零六分
下午四點零六分
下午七點五十六分同上

西直門開

上午九點
上午十一點二十五分
下午一點五十分
下午五點三十分改運石渣不掛客車

正陽門到

上午六點四十六分
上午九點四十六分
上午十二點一十一分
下午二點三十一分
下午六點二十六分同上

英商福公司河南北京天津漢口上海等行廣告

承辦各種探礦採鑛金鋼石鑽打窿等事並代辦建設完全機器製造諸廠場均可商訂賜顧者幸注意焉

北京清華學校招考高等科插班生

本校高等科現分四級每學年遞升一級每年招考插額數以八十名為度
年 齡 自十六歲至十八歲者可報
班生一次今年在北京上海兩處招考各級插班生
考 試 者 可 報 資 格 體 質 健 全 性 行 端 敏 國 文 程 度 約 在 中 英 文 程 度 至 少 須 會 用 英 文 教 科 書 習 過
十 歲 者 可 報 資 格 體 質 健 全 性 行 端 敏 國 文 程 度 約 在 中 英 文 程 度 至 少 須 會 用 英 文 教 科 書 習 過
考 三 四 年 級 資 格 體 質 健 全 性 行 端 敏 國 文 程 度 約 在 中 英 文 程 度 至 少 須 會 用 英 文 教 科 書 習 過
讀 本 七 冊 或 同 等 之 讀 本 七 冊 此 外 須 習 過 納 氏 文 法 四 冊 衛 生 學 及 初 步 地 理 初 切 實 研 究 者 可 於
步 化 學 初 步 代 數 等 書 如 有 習 過 高 深 學 科 者 可 報 考 高 級 凡 於 上 列 學 科 會 經 切 實 研 究 者 可 於
日 起 至 三 月 三 十 一 日 止 向 北 京 清 華 學 校 招 考 處 函 索 詳 細 招 考 章 程 並 須 附 寄 郵 費 一 角 空 函 不 覆

北京清華學校招考處啟

●內國公債局催領三年內國公債第二期利息緊要廣告

照得內債付息所以重人民債權即以堅國家信用本局前於三年公債第二期發息之先曾將一切辦法摘要刊登京外中西各報通告各購票人速將到期息票屆時持赴各經理付息機關領取息銀在案現在時逢半載所付息銀雖已不少惟查中交兩行預備第二期付息之款計中國行尙存二十三萬餘元交通行尙存十三萬餘元均未經購票人取去以吾國募債風氣初開誠恐購票各戶尙有不明公債性質誤認爲一種愛國捐款到期不知取息者用特再爲申佈凡持有三年內國公債票尙未取第二期利息請各就近向經理付息機關早日領取萬勿遲延除一面通行各財政廳出示催領外特再登報通告俾各周知

●通告中外商人等

財政部爲通告事查雲南省現有亂黨擁兵謀叛難保不乘時濫發軍用鈔票希圖攫利亟應預爲宣布以免華洋商民行使收用自貽後累爲此登報通告華洋商民人等如果雲南省有亂黨發行軍用鈔票等物切勿行使如果收用將來中國政府不負責任勿謂言之不預也恐未週知特此通告

●永增軍裝局刺繡廠廣告

逕啟者自祭祀服章發表本廠即時成立專做各任冠服朝賀吉服女界禮服工精料美頗蒙顧客歡迎今更悉心研究創造繡金製品如各王公金花禮服陸海軍警察禮服金領袖章以及外交各部金花禮服均可照章繡做較諸舶來品有過之無不及並自造海陸軍警察各等禮服金肩章偷蒙光顧祈駕臨打磨廠西口內本號接洽可也

電話南局五五四 又二二五二

●海軍部庶務科啓

昨據內左二區送來在路拾得木戳一箇文曰海軍部傳達處閱悉之餘不勝駭詫查本部所有收受文件向由本部號房傳遞其收據亦係用本部號房名義並無設立此項機關該木戳不知從何而來除嚴行查訪外